

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO DOBOJSKI KANTON  
KANTONALNO TUŽILAŠTVO-TUŽITELJSTVO  
ZENIČKO-DOBOJSKOG KANTONA  
Z E N I C A  
Broj: T04 0 KT 0045871 21  
Zenica, 06.09.2021. godine

OPĆINSKOM SUDU U VISOKOM  
-Sudiji za prethodno saslušanje-  
VISOKO

Na osnovu člana 45. stav 2. tačka i) i člana 241. stav 1. ZKP-a F BiH, p o d i ž e m

O P T U Ž N I C U

Protiv,

Š. E., rođen u mjestu Sokolac, nastanjen u Visokom, osuđivan

što je,

Tačno neutvrđenog dana početkom mjeseca juna 2021. godine, na području grada Visoko, u dvorištu ispred kuće koja se nalazi u mjestu ..., u kojoj živi u vanbračnoj zajednici sa K. M. i njenim mlđb. sinom, oštećenim K.M. (rođen 13.12.2015. godine), vršio nasilje prema oštećenom, svjestan da će takvim nasiljem ugroziti mir, psihičko zdravlje i tjelesnu cjelovitost oštećenog, što je i htio, tako što je nakon što je pokosio travu ispred kuće, ljut što mora sam raditi, govoreći oštećenom koji se igrao: „Ništa ne radiš“, više puta oštećenog udario PVC crijevom za vodu u predjelu leđa, iako mu je K. M. govorila da ga ne udara, zbog čega je oštećeni pobjegao u naručje majci, koja ga je primila u naručje i pokušala zaštititi, nakon čega je ponovo više puta oštećenog udario istim crijevom u predjelu leđa, iako je K. M. rukama štitila oštećenog, plakala i govorila: „Prestani napraviti češ dijete invalidom“, uslijed čega je oštećeni zadobio tjelesne ozljede koje su konstatovane nakon nekoliko dana od nastanka i to nakon što je NN lice prijavilo nasilje nad oštećenim PS Visoko, tako da su prilikom pregleda oštećenog u JU Doma zdravlja Visoko dana 10.06.2021. godine utvrđene tjelesne ozljede u predjelu leđa od donjeg dijela vrata sa stražnje strane i niže duž lijeve i desne skapule, sredinom leđa i cijelim leđima niže od glutealnih regija u vidu žuto-zelenog prebojavanja koje odgovara kontuzijama starosti oko 6-7 dana,

dakle, nasiljem, ugrozio mir, tjelesnu cjelovitost i psihičko zdravlje mlđb.-dijeteta člana svoje porodice s kojim živi u zajedničkom kućanstvu,

čime je počinio krivično djelo Nasilje u porodici iz člana 222. stav 4. u vezi sa stavom 2. KZ F BiH.